

#### 4. Swjedzeń Khrystusoweho zjewjenja (třóch kralow).

##### 1.

Wótče swětła, twoju smilnosć khwalimy a česćimy, přez kotruž je nas domapytało skhadženje z wysoka, zo by swěćilo tym, kiž w ćemnosći sedža, a našej nozy wjedło na puć měra. Z twojeje hnady mamy Khrystusa, kiž je naš měr a je sebi z ludow zemje swoju cyrkej zhromadził. Tebi, smilny Wótče, so dźakujemy za njewurjekniwu dobrotu, zo hižom tak dołhi čas twój lud a twoje dźěći rěkamy. Čiń nas sam hotowych, twojemu jeničkemu narodženemu Synej, w kotrymž je so nam twoja dobroćiwosć zjewiła, prawe wopory džaka a modlenja woprować. Wuliwaj swojeho swjateho Ducha na wšo ćěło; čiń puć swojemu słowu, zo by so wšudžom z nastróženjom dušow jimało, je rozswětlało a swjećilo a tak jich wjele, kiž w ćemnosći a scěnu smjerće sedža, k twojemu dziwnemu swětłu wobroćilo. Knježe Jezu, swěrnny wyšši pastyrjo, sćel dźělačerjow do twojich žnjow, posylnej